


續行水金鑑

地710

2254-2

新三80



續行水金鑑卷第一百五十五

江水 工程一



四川成都府同知雍正六年議准分駐灌縣專司都

江堰工 大清會典

乾隆六年覆准石牛黑石二堰歸入都江歲修案內

一併動項修理 大清會典

湖廣武昌府江岸自嘉魚至會城下合漢流水漲則

逼繞城址舊恃金沙洲障之後洲徙水泛橫流直衝

江岸因贛以石長十餘里後圯明郡守張以謙修之

自王會橋至閱兵樓長一千一百三十五丈高廣各

四丈有奇凡用石十萬松椿一萬二千松片二千一

續行水金鑑卷百五十五

江水一

百俱以鐵錮之鑄鐵犀四以鎮焉

花隄在江夏縣平湖門內政和間江溢壞城知府陳

邦光築以障水

萬金隄在江夏縣西南長隄之外紹興間役大軍築

之建壓江亭

路隄在江夏縣南金沙洲至龍牀磯止雍正五年水

決六年發帑修築

部隄卽金口長隄在江夏縣自赤磯山至嘉魚縣下

田寺止雍正五年水決六年發帑修築

江夏縣隄防考畧金口之有長隄自赤磯山至陶家

馬頭凡四十里其間自鯉魚灣以西為馬船港烏洲

湖李老湖白楊港滾打洲名雖有五相距止三里土性直下盡屬淤泥隨築隨塌故議改築舊由赤磯山而南至雨灌山有橫隄今自雨灌山迤邐而西歷南廟山范家港至龍家溝過大青口之鎮江洋斜抵西北直接陶家馬頭中間橫距舊隄十五里長六十里因勢較舊隄稍曲故贏二千里夫舊隄本以防江水但江自嘉魚下田寺二十里過陶家馬頭至赤城磯四十里水爲隄限不得溢而南由赤磯十里至金口則內有長港溯流凡九十里而法泗洲以上則有斧頭黃塘西渠等湖及嘉蒲咸三縣諸湖並山澗悉由長港入江江水泛漲從此逆上隄之內外盡爲汪洋

今經改築江水在舊隄北港水在新隄南不獨周遭四十里不受水患而隄亦得保固可省民力江邑舊有隄工二十二里每歲隄長四十人用夫二萬每夫七工統計夫工十四萬興工日攜糧露處辛苦可憫所費又至不貲今新隄旣成地勢高阜土性堅固每歲增修用夫不過十之一二

通江隄在嘉魚縣東北自龍潭山至惠山驛高丈許廣三之翼以柳

新隄在嘉魚縣北地勢卑下承上流若建瓴不數年溢爲瀦澤春水泛漲與蒲圻咸寧江夏三邑均受其患政和間知縣唐均集四邑之民築之乾道初知縣

陳景去舊隄三百步因兩山距楊家潭上橫亘爲隄  
是名新隄

成公隄在嘉魚縣皇慶元年知縣成宣築上自馬鞍  
下至三角鋪捍護四邑明初水決屢築屢圯雍正五  
年水決與江夏咸寧蒲圻三縣分領帑銀修築

漢陽府後湖隄在漢口鎮鎮爲水陸要衝火烟數十  
萬家前江後湖漢水遶西北每夏秋水漲四面皆巨  
浸僅此一綫隄爲保障居人歲加修築終未完固水  
勢稍大輒慮泛溢

張大渡隄在漢陽縣蔡鎮康熙五十五年請帑建築  
中立石閘以時蓄洩雍正五年水泛決十餘丈復發

### 帑修築

漢陽縣水利考畧郡城與武昌對峙大江環抱東南  
漢水合灑水沔水沌水與大江會於郡北漲則瀾漫  
爲害縣舊有襄陽口在漢口北岸十里許卽古漢水  
從黃金口入排沙口東北轉折環抱牯牛洲至鷺公  
口又西南轉北至郭師口對岸曰襄陽口約長四十  
里然後下漢口成化初於排沙口下郭師口上直通  
一道約長十里漢水徑從此下而古道遂淤且漢口  
吳公隄在漢川縣舊名和公隄成化庚寅御史吳琛  
築一自縣東至甌山長十五里一自縣北和公城至  
劉家隔長十五里

漢川縣隄防考畧縣東至漢陽南至沔陽西至天門北至雲夢正當漢江下流故有長湖橫觀湖龍車小松等湖以蓄水又有城北南湖魚湖蓼湖西江水洪等垸以禦水且漢江至此分流一由張池口經縣治一由竹筒河出劉家隔二水復合流出漢口故無大水患嘉靖三十九年漢水大溢各垸隄俱潰而竹筒河中塞五十里許其張池口江身又復淺狹以故水多壅滯於鍾祥天門間而劉家隔之估船不得通於漢川民亦病之頻年查勘上自河口中經排子口至東湖流水口淤塞一千三百一十二丈舊河口地勢稍低不便受水改從沙臺寺前去舊口約數十丈中

旨發帑修築

黃州府王公隄在蘄水縣巴河鎮正德中知縣王伯築自江沙抵鎮長三十丈廣四丈高二丈磬石植以柳

萬公隄在蘄水縣西南回風磯上

武家穴隄在廣濟縣東九十里臨江上自盤塘下抵  
黃梅楊家穴長一百九十里歲時修築以防江溢雍  
正五年奉

旨發帑修築

安陸府隄防考畧江故道逼近郡治石城而下嘉靖  
初年徙新洪遶浚山灣東去城彌遠水患日深其故  
在豐樂則舊有九龍灘龍穴港桐木嶺金花巖斗等  
湖分洩至石城則舊有城北湖池河殷家等湖注蓄  
後皆淤平軍民官莊爭墾爲業而下流竹筒河復淤  
下滯上圯固一郡水患之原也屬邑大半濱江而受  
害甚者北岸則鍾祥京山天門之紅廟南岸則荆門  
潛江沔陽之沙陽也

續行水金鑑卷百五

江水五

漢江隄在鍾祥縣報恩寺南長三十里

鍾祥縣隄防考畧縣自石城而上至豐樂驛凡二百  
二十餘里舊無隄塍每水泛漲西岸則漫至浚山岡  
東岸則漫過池河等湖薄長江而止蓋以湖爲壑以  
岡爲隄也自石城而下由蔡家橋灣上下流漣馬公  
湖小河口以達於南河紆回三百餘里土人總名之  
曰紅廟隄最爲要害然嘗攷之蔡家橋舊有口通二  
聖道入湖洩漢勢又有流漣金臺二口支河達赤馬  
野豬等湖由青樹灣入金臺港大分漢流以故隄得  
無虞後半堙塞不可復疏嘉靖二十八年以來諸隄

盡決有司屢議不決蓋由荊州右衛與天門京山三縣軍民雜處其間互相推諉而格議撓法者多耳漢江隄在京山縣南百餘里

京山縣隄防考畧縣治依山爲城其境土半係高阜自古無水患但下里有一面逼近漢江北岸上則接連鍾祥及荊州右衛諸隄下則有小河南河紫金潭拖船埠頭等處直抵天門界地勢下濕自嘉靖三十年來鍾祥荊州右衛之隄一決遂衝入京山抵船埠等六十餘處連歲屢築屢決迄無成功蓋京山隄防與鍾祥天門荊州右衛諸隄相爲唇齒一處不堅勢難獨保也

今按京山縣王家營隄陞京山鍾祥天門漢川四屬宣防所關道光二年以後屢有

續行金鑑卷百五十五

江水六

潰決八年正月發帑官修工竣

高氏隄在潛江縣西北五里相傳五代時高季興築自荊州緣麻山至縣南沱埠淵止延亘一百三十里以障襄漢二水

白濮垸隄在潛江縣邊臨漢江成化六年水決二十餘丈八年知縣江志修

江汶垸隄在潛江縣長六百餘丈身甚厚廣

車老垸隄在潛江縣南臨漢江

長官隄在沔陽州荆南監利至漢陽長一百餘里江隄在沔陽州自龍淵花墳牛埠竹林西流平放水洪茅埠玉沙凡九區長萬丈餘

漢隄在沔陽州自大小朱家岡滄浪南池凡五區長萬丈

班隄在荊州西北四十里白湖村雍正五年潰決南江大隄一十九口共一千七百一十二丈五尺總督傅敏捐米三千七百三十餘石幫修六年奉

旨發帑修築

沔陽州隄防考畧舊州以富饒稱蓋以地當江漢之間最多湖渠民便魚鮮之利又因湖渚環隄爲垸而業耕其間誠樂土也自五代時高季興節度荆南築隄以障漢水自荆門綠麻山至潛江延亘一百三十里因名高氏隄而江隄亦自監利東接漢陽長百數

續行水金鑑卷三五五

江水七

十里名長官隄沔民賴焉迨明隄防漸潰至成化甲午宏治庚申水大漲正德丙子復漲丁丑如之皆乘舟入城市後都御史秦金布政使周季鳳以江水長決監利之車木隄漢水長決潛江之班家隄俱修之其丈以千百計然未能高堅水至卽圯嘉靖甲申知州儲洵疏陳隄防利害於朝事下巡撫舉行按察副使劉士元復建議龍淵而下分爲九區於是龍淵花墳牛埠竹林西流平放水洪茅埠玉沙瀕江者爲隄總萬餘丈大小朱家岡滄浪南池瀕漢者爲隄總幾萬丈丙戌夏漢水連溢而沔賴以完至庚寅漢水決拖船埠西湖水溢沔之西北遂爲巨浸頃江隄自西



流窩直抄至沙隄凡二萬六千二百餘丈其決口數百處故州民歲苦水患

荊州府隄防考畧江水之患全在荊州一郡夾岸南北凡六縣北岸則江陵監利隄四萬九千餘丈南岸則枝江松滋公安石首隄凡五萬四千餘丈嘉靖庚申洪水決隄無慮數十處而最爲要害者枝江之百里洲松滋之朝英口江陵之虎渡黃潭鎮公安之瑤頭鋪艾家堰石首之藕池諸隄衝塌深廣最難爲力每歲有司隨築隨決迄無成功至四十五年十月知府趙賢佑議請修築務期堅厚自丙寅歷戊辰凡三冬六縣隄稍就緒始立隄甲法每千丈隄老一人五百丈隄長一人百丈隄甲一人夫十人江陵北岸共隄長六十六人松滋公安石首南岸共隄長七十七人監利東西岸共隄長八十丈夏秋守禦冬春修補歲以爲常然荊州郡治濱江郡西上六十里有萬城隄在當陽江陵之間嘉靖十一年一決直衝郡西城不浸者三版十二年有司挽築李家埠重隄護之二十九年又決此隄乃郡治之大要害也後江陵縣專爲修築始得無虞

新開隄在江陵縣東一百二十里成化間修後圯正德間布政使周季鳳築長四百五十丈黃潭隄在江陵縣東南二十里上當江流二百餘里

之衝一決則江陵潛江監利民爲魚鼈誠要害也  
李家埠隄在江陵縣西三十里自萬城隄至鎮流砥  
六十里當水勢之衝宏治十三年隄決淹溺甚衆知  
府吳彥華修築堅厚至今賴焉諺云水來打破李家  
隄荆州便是養魚池關係至重

鎮流砥在江陵縣東十五里突出大江數十丈捍激  
江水聲如迅雷蓋江勢東下鎮砥於此則水勢延緩  
如黃潭之衝少殺沙市之地可保

江陵縣隄防考畧縣沙市正古江陵地陵阜自荆門  
西北來二百里臨江正扼水衝南有虎渡穴口分流  
洞庭北有章北郝穴二口殺流出漢口而潭子湖洪

水淵三湖等處俱爲湖瀦蓄水地故漢宋以前無大  
水患迄元以來沙市高陵半圯入江章穴口復湮嘉  
靖十一年決萬城隄水遶城西決沙市之下隄而南  
二十一年後又以浮議築塞郝穴口諸湖瀦又多淺  
淤三十九年一連巨浸各隄防蕩洗殆盡四十五年  
後有司稍稍修復然不如古隄之堅矣

大江隄在公安縣東北上接江陵下抵石首長一百  
里雍正六年奉

旨發帑修築鄧家灣陳家灣東龍橋三隄

公安縣隄防考畧縣東西廣一百三十里南北袤一  
百一十里地皆平曠縣治舊在紫林衝因避三穴橋

水患移至江臯勢若原隴宋端平三年築隄防以禦水有趙公隄在縣東斗湖隄在縣南油湖隄在縣西北倉隄在縣東北橫隄在布政分司後世傳爲五隄云至元大德七年竹林港隄大潰自是隄不時決迨明修築沿江一帶隄塍西北接江陵上灌洋東南接石首新開隄隄凡萬有二千五百餘丈其間雷勝文灣窰頭鋪艾家堰竹林寺二聖寺江池湖狹隄淵沙隄鋪新淵隄郭家淵施家淵諸隄更爲要害成化五年決施家灣宏治年間決狹隄淵正德十一年決郭家淵嘉靖十一年決江池湖三十五年決新淵隄三十九年決沙隄鋪四十年決淵深隄四十四年決大

湖淵及雷勝文灣四十五年傾洗竹林寺隆慶元年傾洗二聖寺二年決艾家堰水患殆無虛歲縣境內有軍湖貴湖紀湖重湖大金洋溪諸湖惟大金一湖通虎渡支河河漲湖溢毛穗諸里軍民嘗苦之黃金隄在石首縣東五里

楊林隄在石首縣楊林口長百丈有奇

百家隄在石首縣北四十里其地爲水所圯百家合築此隄雍正六年奉

旨發帑修築浪砍石牌二處又濬黃金橋剝口

鄭家垸在石首縣南三十里元里民鄭淵率衆築此以防洞庭水患

石首縣隄防考畧縣東西廣三百八十里南北袤一百里俱夾江南北而縣治一面濱江勢復下濕自元大德七年決陳瓮港隄薩德彌實挽築再黃金白楊二隄護之不一歲瓮再決趙通議開楊林宋穴調弦小岳四穴水勢以殺之迨明初故道俱湮隄防漸頽嘉靖元年決雙剏垸三十四年衝洗戴家垸三十五年決車公廳四十五年決藕池頻年始修南岸自公安沙隄至調弦口凡四千一百餘丈北岸自江陵洪水淵至監利金果隄凡十有餘丈其間楊林瓦子灣藕池袁家長剏尤爲要害

黃師隄在監利縣西四十里濱大江歲久湮頽明正

德十一年修築

新衝隄在監利縣南五十里濱大江極爲險要

把火隄在監利縣北五里雍正五年奉

旨發帑修築楊馬頭隄等處六年復發銀修築楊林垸永樂庵大山坡下張家等處隄工加修拖茅埠低塌等隄四處

監利縣隄防考畧縣東至沔陽西至江陵南至華容北至潛江周四百五十里正江湖滙注之地勢甚汗下鄉民皆各自築垸以居而縣治臨江有一枝河流貫城中歲苦水患元大德間趙通議開赤剏穴江流以殺之迨明初此穴已湮乃築大興赤射新興等二

十餘垸成化間又修築黃師廟龍潭鼉淵等一帶諸隄嘉靖十八年築塞十八灣河又塞祝家壩其壩隨決四十四年水決黃師廟李家埠何家壩文家垸金家湖諸隄而大興垸亦大潰嘗一修築自龍窩嶺至白螺磯凡二百餘里近年江勢南嚙水患漸消大隄在松滋縣自隄尾橋直抵虎渡袤延八十餘里雍正六年奉

旨發帑疏濬太平泰來兩垸剏口新築孟堰垸月隄松滋縣隄防考畧縣地勢平衍三峽之水迸流至此始得展蕩勢若櫪馬脫韁隨性奔逸最難防禦而本縣又當公安石首諸縣之下流江隄一決正衝諸縣

胷腹而下其形勢尤爲要害縣東五里有古隄自隄首橋抵江陵之古壻鋪長亘八十餘里且舊有采穴一口可洩水勢宋元時故道湮塞迨洪武二十八年決後時或間決自嘉靖三十九年後決無虛歲下流諸縣甚苦之較隄要害惟余家潭之七里廟河家洲朝英口古壻之曹珊口爲大其餘五通廟胡思堰清水垸馬黃岡等隄凡十有九處中多獾窩蟻穴水易浸隄

枝江縣隄防考畧江流至此地分派如木之有枝故以名縣縣東至江陵南至松滋西北至宜都周圍廣三百八里縣治依高阜向無隄防惟縣東南有百里

洲袤延百里南有蘆洲澌洲漢洲萍洲皆夾生大江之內者自百里洲楊林洲賽磚灘蔣斗灣窰子口至流店驛復轉北自董灘口土臺古城腦而下至確嘴灘流店湖又自確嘴灘而南轉至漸洋洲觀音寺直抵松滋米家埠對岸皆有隄其最要害者莫過於石城腦蔣斗灣二處係通洲上流一決則勢若建瓴莫能捍禦又洲內軍民雜處互相規避故隄工視他縣尤難

二公隄在夷陵洲東門外三里當荆襄巴蜀之衝旁有民田成化二十二年知州周肅築行旅便之

襄陽府隄防考畧襄陽古有大隄曲是隄防之設自

商周已然漢壽亭侯決水灌樊城是漢水爲襄樊患最切要害明初水流故道不復爲災故大隄漸塌民多侵爲己業而有司並無築隄慮嘉靖四十五年洪水四溢郡治及各州縣城俱潰民漂流以數萬計郡西老龍隄一決直衝城南而東故郡治之患爲尤甚副使金世龍秦淦徐學謨先後條議估修踰二年工

成

老龍隄在襄陽縣西三里卽大隄也

大隄在襄陽縣漢江出大安軍山下入漢江水漲不免嚙城舊有大隄東臨漢江西抵萬山袤十餘里防護之今逐年加修恃以無恐

襄陽縣隄防考畧縣隄防今在襄樊二城間蓋二城並峙漢水中流如峽口且唐白河從北來橫截漢流以故波濤激射城隄爲患按古大隄西自萬川經檀溪土門白龍池東津渡遶城北老龍隄復至萬山之麓周四十餘里年久隄潰而龍池東津一帶又多浮沙明初修截隄一道自長門至土門大半頽塌嘉靖四十五年老龍隄一決餘皆洗盡頻年並力修築北自老龍隄至長門皆沿城甃石高三丈許南自萬山麓至土門則仍古大隄東南自土門至長門則仍舊截隄高二丈許厚五丈許樊城北舊有土隄皆決面江一帶磚城盡潰然樊城潰則襄城無恙其利害之輕重又不可不審也

宜城縣隄防考畧縣東至棗陽南至安陸西至南漳北至襄陽祇一面距山三面臨江江之故道遶龍鳳山而下去城二十里舊有使鳳龍潭二港大江流灌入城濠然未聞爲城患也迨明嘉靖四十五年江溢直衝迎水洲而下改徙鴉潼河新洪通城五里許又由使風龍潭二港衝洗南北城樓自此水漲逕撼城隄殆無虛歲後議築使風龍潭二港父老皆謂港口不塞城隄終難保障也

石隄在光化縣漢水東宋李仲芳築

鄖陽府隄防考畧鄖陽郡西北控扼秦豫東南接連

荆襄四面皆疊山峻嶺屬邑皆依山爲城獨郡治孤立於川原之間正當水衝故上津竹山諸縣雖臨漢濱不必隄防其水患祇在郡治而禦水又以城爲隄自古無大決害至嘉靖四十五年九月九日決東南門外土隄城半傾塌

吳公隄在鄖縣東南舊名捍江隄明成化間江漲隄圯御史吳道光增修高八尺濶倍之長三百餘丈軍民永被其德

長沙府陸公隄在善化縣南十里湘水東明知縣陸南陽築沙田隄在湘陰縣南長三千九百七十一丈楊柳圍隄在湘陰縣南長一千三百五十丈

軍民圍隄在湘陰縣西南長一千七百四十丈荆塘圍隄在湘陰縣西南長五千三百四十四丈東莊圍隄在湘陰縣計二十二里右塘圍隄長三千七百三十七丈塞梓圍隄長四千二百五十丈金盤圍隄長三千三百四十五丈彎斗圍隄長一千三百九十丈韓灣圍隄長五千八百四丈自古塘圍以下俱在湘陰縣西金家圍隄在湘陰縣北長二千三百九十六丈莊家圍隄長一千一百四十丈黃公坵隄長一千二十丈魯家坵隄長一千五百丈買馬坵隄長一千二百二丈五尺葡坵隄長一千五百四十九丈自莊家圍以下俱在



縣西北 以上湘陰縣境內圍坵諸隄雍正六年奉旨發帑修築

湘陰縣隄防考畧湘邑居洞庭之濱地勢最卑其東北一帶近水悉巨浸也而縣治之西曰淮西其水勢更甚今其地生聚日繁土田日廣防遏不可不豫而圍因以設焉分觀其勢各有隄塍統計其數則十有六南則沙田圍逼近江與楊柳相間中隔樟湖嶺阜由是而軍民荆塘金盤灣斗韓灣等圍坵隄雖間設各有塍限而東莊一圍則居軍民之東古塘塞梓二圍又居韓灣灣斗等圍之西北湘水烝水滙流自西入長沙遶東而下至湘陰是南水也南水泛水自外

入沙田一圍之東實當首險從此水由支港擁入楊柳軍民等隄之近東南者皆受頂衝而東莊向南稍平餘實三面被激焉資水沅水出而與湘水合達於洞庭是西水也西水泛水自內出兼之西南夾湧洪波濁浪紆回灌激在沙田一圍之內首爲出水之頂衝次及於楊柳圍更次及於軍民荆塘各圍之近西北等隄而古塘塞梓二圍界連沅邑爲坵水之頂衝焉北則有金家坵西北又有莊家圍暨黃公魯家買馬葡萄等坵濱臨大湖地益曠而土益鬆其水自西而內出自南而外入者悉於是乎會歸而湖浪遂於是迎衝一經水漲其勢瀾漫隄塍衝潰頃刻灌滿蓋

統計各圍之險處共有一萬九千四百九十八丈至各圍垸內出水積水之區或則有港或則有塘或則請建有閘或則疏通有溝向係民力歲修港則設之混口塘則立有剝溝閘則因時啓閉以資蓄洩以資灌溉似可無煩疏濬者也 大垸隄 小垸隄在益陽縣千家洲 長湖垸隄長二千四百八十九丈沿河垸隄長二千一百三十二丈兩隄俱在益陽縣陳 合興垸隄長四千五百二丈五尺 中洲垸隄長九百一丈兩隄俱在益陽縣東北 長灘垸隄長一千一百丈 河皮垸隄長二千四百七十六丈曹埠垸隄長五千五十二丈 宋家垸隄長九百丈

續行水金鑑卷百五十五

江水七

上火田垸隄長二千八百九十丈 中火田垸隄長一千八百四十一丈 下火田垸隄長二千二十八丈自長灘以下俱在益陽縣東 以上益陽境內各垸隄雍正六年奉

旨發帑修築

益陽縣隄防考畧縣在府治西北二百里西界安化南寧鄉西龍陽東北沅江東南連湘陰水田濱江自寶慶發源桃花江合流湍行直下數百餘里至縣前龜臺山而分派大垸濱江一爲千家洲大垸一爲長洲小垸又北小河分汜經石梁橋汜河垸二處會入大河石梁橋地稍高自趙家圍至尹家山止爲汜河

垸皆明萬歷時舊址又北自甘溪河分汜入沅江自  
泥湖入大河直下經沙頭塘之西北爲合興垸中洲  
垸又東南抵沅沙毛角塘分汜入麻子河沅江界一  
由沅江瓦石磯塘出大麻子河湘陰界一入小河益  
陽塘此益陽東北之水也自龜臺山而東爲支河經  
長灘垸至河皮垸繞千家洲西南復會沙頭塘而歸  
大河一楓林河分汜經瀾溪寺直行抵添新橋河支  
流旋轉鳳凰湖回繞火田三垸旁及宋家垸曹埠垸  
入盧家江滙於瀾泥湖分汜上入溪口下經龍打窖  
塘而歸於湘陰蓋益陽分上中下三鄉自縣北而東  
爲六鄉上承資沅之水下連洞庭西汜左抵長沙大  
江一當湖水泛漲加以南水之瀾漫上之來者滯而  
少去下之積者壅而上行近江濱湖之地常不免於  
淹浸有備無患唯在督理業戶使之依時培修隄垸  
而已

岳州府隄防考畧郡志城西岳陽樓一帶正臨洞庭  
湖春夏水漲波濤撼城勢甚可慮宋郡守滕宗諒築  
偃虹隄障之屬邑惟平江居萬山中水患尙少臨湘  
半倚山城雖可捍禦然西北俱濱江水口又多勢難  
築堤巴陵隄防祇在江北諸里惟華容四十八垸之  
隄最爲要害

舵桿洲石臺在洞庭湖中雍正九年

世宗憲皇帝軫念四方行旅及楚省居民經九江五瀆之險者東湖尚有洲岸可泊西則渺漫無際風鼓浪作每至不測

特旨頒發帑金二十萬金建造石臺表延九十六丈高

六丈地廣三十丈頂二十丈狀如弓背或浪至易分

南爲偃月隄灣深可泊凡往來舟楫遇水漲風驟栖

宿臺南從此有衽席之安無漂淪之患

今按洞庭湖分東西兩湖

能桿州居西湖湖心有洲之名而無沙渚距湖岸四至輒一二百里或昏夜或暴風一望汪洋無可栖泊估客舟人至此膽裂先是雍正八年湖廣督臣邁柱湖南撫臣趙宏恩議從水底施工建築臺座以便行舟計需二十萬金請撥每年商捐銀兩或仿營田之例開捐應用乃特頒恩諭發帑鳩工法天之仁平地之憾萬古允賴矣

偃虹隄在巴陵縣西宋滕宗諒築

永濟隄在岳州府城北十五里成化十九年知府李

鏡築號李公隄長四千丈廣二丈緣地勢爲平高者

七八尺隄成名曰永濟旁植柳二萬以固積壤又鑿

巨石於華容之層山爲橋二可容舟復做規運河陂

石爲闌於二橋之北廣五尺高丈有二尺長加高之

三尺架木梁以通車馬大學士李東陽爲記

國朝順治六年知縣王篤慶捐修康熙十年知縣李爝

五十三年知縣王國英重修

南津隄在巴陵縣南十五里洞庭之側宏治間知府

張金築

白荆隄在巴陵縣東十五里一名柴荆築於宋明成化四年知府吳節增之嘉靖十年知府蕭勉重修四十年邑人方純增築

陽江村隄在巴陵縣與監利縣接壤前明額隄止二百五十丈

國朝順治十二年加修七百六十丈零竹莊何家墻瓦子灣魯家埠四處共一千一十二丈六尺康熙五十五年奉

旨發帑銀二千六百兩知縣王國英督工五閱月始成竹莊隄長二百三十丈 何家墻隄長三百丈 瓦子灣隄長九十八丈 魯家埠隄長三百八十四丈

續行水金鑑卷百五十五

江水 三

六尺 以上巴陵縣境內諸隄雍正六年奉旨發帑修築高厚倍前

巴陵縣隄防考畧巴陵縣正當洞庭湖沿滙之地有白石等湖又有南洋乾沙等港湘水一泛半沒田廬然東南諸里尙倚山阜其最要者江南則有永濟隄江北則有江村隄

趙公隄在臨湘縣東南五里西北倚山東南臨湖高下不平難以瀦水自南而東皆窪澤元泰定間知縣趙憲築隄以防水至今賴之 黃封隄在華容縣河之濱宋知縣黃照築 楊柳隄在放生池側 官垸隄在城西長六千一百八十弓 蔡家垸隄在城西

四里長三千三百二十三弓 黃蓬蔣垸隄在城南  
三里長五千三百七十三弓 張家垸隄在城南三  
里長一千四十三弓 朱家垸隄在城東三里長一  
千二百三十八弓 兔湖垸隄在城東十五里長一  
千九百二十五弓 蔡田南北垸隄北離城東五里  
南十五里長三千四百六十一弓 濤湖垸隄在城  
東北一十五里長一千六百九十二弓 凌溪垸隄  
在城東北一十七里長六百三十四弓 張家垸隄  
在城東北一十九里長一千三百五十弓 伍家垸  
隄在城東北二十五里長四百二十六弓 安息垸  
隄在城北二十五里長三千九百九弓 東坡垸隄在城

東北三十五里長二千九百一十二弓 黃家垸隄  
在城東北三十三里長一千八百六十一弓 江黃  
垸隄在城東北三十三里長七千七百三十二弓  
馬家垸隄在城東北三十四里長一千七百九十五  
弓 錢家垸隄在城東北三十五里長一千二百七  
十六弓 劉城垸隄在城東北三十五里長五千六  
百四十三弓 吳小垸隄在城北三十七里長一千  
四百三十弓 胡家小路垸隄在城北三十七里長  
二千一百三十三弓 楊李垸隄在城西北四十里  
長三千一百九十七弓 南北垸隄在城西北四十  
里長一千四百三十弓 桃樹垸隄在城東北三十

五里長二千七十弓 黃湖垸在城東北四十五里長一千八百七十二弓 永固垸在城東北三十八里長一萬二千九百九十七弓 嚴肖垸在城東北三十八里長一千八百八十四弓 林家垸在城東北三十七里長三千三百一十五弓 乙酉垸在城東北六十五里長七百三十四弓 蔡劉垸在城東北六十五里長一千一百四十弓 合工垸在城東北六十里長六千六百八弓 周小垸在城北六十里長九百八十二弓 以上華容境內各垸隄雍正六年奉旨發帑修築高厚倍前

華容縣隄防考畧縣城北臨川江南連洞庭中有斗子澌瀘等湖南北水漲殆無遺工非累土爲垸則民不能以旦夕安也明正統間知縣楊鏊請於朝遣工部員外郎王士華湖廣布政使蹇賢相便宜築隄四十有八其最要害者惟官垸濤湖安津蔡田四垸周四十餘里本縣錢糧半出其內一罅之漏千家坐斃隄防之功不可緩也

以上湖廣通志